



JU GIMNAZIJA "DR. MUSTAFA KAMARIĆ"
GRAČANICA

NOVEMBAR
2025

Sekcija Grafički dizajn i novinarstvo


POSJETA NAŠIH UČENIKA GOETHE-INSTITUTU I SARAJEVSKOM RATNOM TEATRU

Učenici dodatne i izborne nastave iz njemačkog jezika te članovi dramske sekcije proveli su subotu, 1. novembra 2025. godine, u prelijepom Sarajevu. Tokom posjete Goethe-institutu, imali su priliku upoznati se s radom ove značajne kulturne ustanove i učestvovati na dvije zanimljive radionice – programiranju pomoću Calliope mikrokontrolera te u zabavnoj igri u biblioteci Instituta.



01.11.2025





Nakon edukativnog dijela, učenici su imali slobodno vrijeme koje su iskoristili za obilazak i uživanje u ljepotama glavnog grada Bosne i Hercegovine.

Dan su završili posjetom Sarajevskom ratnom teatru – SARTR, gdje su pogledali predstavu „Alle Armi“ u izvedbi italijanske umjetničke organizacije Hombro Collettivo. Poruka predstave je antiratna i pomenuta su mnoga ratna dešavanja u posljednjih stotinjak godina, kao i mogući treći svjetski rat koji bi doveo do totalnog uništenja planete Zemlje.

Ova posjeta spojila je učenje, druženje i istraživanje kulture, te je svima ostavila nezaboravne uspomene i dodatno potaknula interesovanje za njemački jezik i umjetnost.

Suradnja između Gimnazije "Dr. Mustafa Kamarić" Gračanica i Goethe-instituta je produžena na naredni period, što omogućuje daljnju saradnju i aktivnosti profesora njemačkog jezika i naših učenika.



SARA AVDIĆ III C

SVJETSKI DAN ŠTEDNJE




03.11.2025

Danas su učenici naše škole uz predavanje, igrokaz i Kahoot kviz obilježili Svjetski dan štednje. Mentori učenicima su bile profesorice matematike Selme Mehić i Selme Čehajić.



ŠKOLSKO TIMSKO TAKMIČENJE IZ OPĆE INFORMATIKE

U našoj školi je danas održano timsko takmičenje iz opće informatike. Učenici su imali priliku da kroz dva kruga takmičenja provjere svoje znanje iz raznih oblasti informacionih tehnologija.



10.11.2025

PROGRAM EL 9W POSTIGNUTTI 9U

SLSJUNEI 2020 **CÓCIS REZULTATI DE AMY**
S OF 2020

1. MJESTO TIM "DAJ PARE"



2. MJESTO TIM "ERROR 404"



3. MJESTO TIM "LEA"



**ZAHVALJUJEMO SE SVIM TIMOVIMA
NA UČEŠĆU, A NAJBOLJIM ČESTITAMO
NA USPJEŠNIM REZULTATIMA.**



DANI EVROPSKOG NASLIJEĐA

UUTORAK, 11.11. U NARODNOJ
UNIVERZITETSKOJ BIBLIOTECI
"DERVIŠ SUŠIĆ" U TUZLI JE
POVODOM OBILJEŽAVANJA DANA
EVROPSKOG NASLIJEĐA ODRŽAN
INTERAKTIVNI KVIZ "PUT KROZ
KNJIŽEVNOST U TRIDESET PITANJA".
NA NAVEDENOJ MANIFESTACIJI JE
UČESTVOVALA NAŠA NEJLA DŽINIĆ
POD MENTORSTVOM PROFESORICE
DŽANE SALIHEFENDIĆ.



Learn the Future of AI IT REBOOT

EMPOWERING THE NEXT GENERATION WITH INTELLIGENCE

LEARN AI

11-13
novembar
2025

**CREATE
WITH AI**

SREDNJOŠKOLSKI
CENTAR TRAVNIK

**LEAD THE
FUTURE**

2000
posjetitelja

EXPLORING THE FUTURE WITH ARTIFICIAL INTELLIGENCE

Let's Exploring the Future with AI

Naši učenici IT i općeg smjera gimnazije su upravo na treći dan sajma imali priliku prisustovati predavanju Nedima Šabića „Postani uspješan YouTuber“, nakon čega je uslijedio pitching IT Reboot kampa, u okviru kojeg su mladi inovatori prezentirali svoje projekte. Najuspješnijim učesnicima uručene su vrijedne nagrade u više kategorija.

AI in Everyday Life



AI in Everyday Life



Work-Transform

Prije posjete sajmu IT Reboot 2025 iskoristili smo priliku da obiđemo kulturne znamenitosti Travnika, te smo posjetili tvrđavu Stari grad i rodnu kuću Ive Andrića.



Shapes the Future:

Artificial Intelligence



What is Artificial Intelligence

Upravo prezentovanje projekata sa ranijeg kampa IT Reboot na Vlašiću u junu ove godine donio je uzbuđenje jer je u jednom od timova učestvovao i naš učenik Emir Avdić, učenik četvrtog razreda IT gimnazije.

Njegov projekat *ECO Travnik* uz još jedan projekat su proglašeni pobjedničkim na ovom sajmu i odnio je nagradu implementacije i financiranja od Opštine Travnik. Čestitamo našem Emiru i želimo mu još mnogo uspjeha u njegovom radu.



**Prvo mjesto na
konkursu povodom
Dana Europskog
naslijeđa 2025**

**Sanjin Fazlić & Amel
Girotić sa svojim video
muzičkim radom u**

**okviru Dana Europskog
naslijeđa 2025 osvojili
je čak 788 glasova i
osvojili prvo mjesto.**

Sanjin Fazlić :

"Posebnu zahvalnost dugujemo i našoj školi Gimnazija "Dr. Mustafa Kamarić" Gračanica , jer bez njihove podrške, organizacije i motivacije sve ovo ne bi bilo moguće.

Hvala našoj pedagogici na vođenju, razumijevanju i ogromnoj pomoći, kao i našim profesorima koji su vjerovali u nas, usmjeravali nas i davali nam prostor da pokažemo šta znamo i možemo.

Hvala što ste vjerovali u nas i što ste pokazali da se rad, trud i zajedništvo uvijek isplate.

Ovaj rezultat nas motivira da nastavimo stvarati, raditi i predstavljati našu školu s ponosom – baš onako kako zaslužuje."




OBILJEŽEN SVJETSKI DAN DIJABETESA

Svjetski dan dijabetesa obilježava se 14. novembra u čast rođendana Frederika Bantinga, jednog od naučnika koji su otkrili inzulin. Se černa bolest (dijabetes) je hronična bolest koju karakteriše povećána razina glukoze u krvi. Dijabetes predstavlja jednu od najbrže rastućih hroničnih bolesti u svijetu.

UČENICI NAŠE ŠKOLE KOJI POHAĐAJU DODATNU NASTAVU IZ BIOLOGIJE, KAO I UČENICI II RAZREDA NA REDOVNOJ NASTAVI, ZAJEDNO SA SVOJOM MENTORICOM PROF. SAMIROM MEJREMIĆ, OBILJEŽILI SU OVAJ ZNAČAJAN DATUM.

PROVEDEN JE NIZ AKTIVNOSTI S CILJEM PODIZANJA SVIJESTI O OVOJ BOLESTI. UČENICI HANA I DAVUD PRIPREMILI SU PREZENTACIJU NA TEMU „DIJABETES – SIMPTOMI, TIPOVI, TERAPIJA I PREVENCIJA“. ILMA JE IZRADILA PRIGODNU BROŠURU. DŽENITA JE NACRTALA PREKRASAN PLAKAT KOJI NA NAJBOLJI MOGUĆI NAČIN PRIKAZUJE POVEZANOST DIJABETESA S KOMPLIKACIJAMA U RADU ENDOKRINOG SISTEMA. LEJLA I ADIS SU NAPRAVILI KVALITETAN KAHOOT KVIZ U KOJEM SU UČENICI MOGLI POKAZATI SVOJE ZNANJE O DIJABETESU. UČENICE SU TAKOĐE IZRADILE I PLAVE TRAKICE KOJE SU UČENICI I UPOSLENICI NOSILI DANAS KAO ZNAK PODRŠKE OSOBAMA OBOLJELIM OD DIJABETESA.



BIOSIGURNO



BIO ZASTITA

BIOSIGURNO



MEĐUNARODNI DAN SREDNJOŠKOLACA

17- NOVEMBAR
2025

OBILJEŽILI SMO DAN SREDNJOŠKOLACA!

Naši učenici su šetnjom kroz grad i prigodnim transparentima poslali jasnu poruku o važnosti mladih u društvu.

**SRETAN MEĐUNARODNI DAN
SREDNJOŠKOLACA!** 

UČITE, SANJAJTE I VJERUJTE U SEBE.

PRED VAMA JE BUDUĆNOST

MEĐUNARODNI DAN SREDNJOŠKOLACA

17- NOVEMBAR
2025

**OBILJEŽILI SMO DAN
SREDNJOŠKOLACA!**

U drugoj smjeni, naše vrijedne učenice održale su okruglo - razgovor, razmjena mišljenja u odlična atmosfera

**SRETAN MEĐUNARODNI DAN
SREDNJOŠKOLACA!** 

UČITE, SANJAJTE I VJERUJTE U SEBE.

PRED VAMA JE BUDUĆNOST

MEĐUNARODNI DAN SREDNJOŠKOLACA

17- NOVEMBAR
2025



OBILJEŽILI SMO DAN SREDNJOŠKOLACA!

Svaki razred danas je dobio svoju čokoladicu i porukicu povodom Dana srednjoskolaca. Uz osmijehe, dobre želje i mnogo pozitivne energije, obišli smo sve razrede i zabilježili njihove trenutke. Hvala vam što ste s nama dijelili radost, kreativnost i duh zajedništva - upravo to čini našu školu posebnim mjestom.



ITChallenge 2025 u Maglaju

TIM GRAČANIČKE GIMNAZIJE
OSVOJIO NAGRADU „AJNUR
DIKEDŽIĆ“ – PRVACI 10. IT
CHALLENGE TAKMIČENJA



Dodjelom nagrada najboljim timovima i pojedincima spustila se zavjesa na jubilarni, 10. ITChallenge – najmasovniji takmičenje mladih informatičara koje je do sad organizovano u Maglaju.

U Maglaju se okupilo 126 timova vrsnih IT znalaca iz srednjih škola širom Bosne i Hercegovine sa 60 mentora.

U velikom finalu našlo se 11 timova: Elektrotehnička škola Tuzla (tri tima) Gimnazija „Dr.Mustafa Kamarić“ Gračanica, Gimnazija „Meša Selimović Tuzla, Mješovita srednja škola Donji Vakuf, Tehnička škola „Mihajlo Pupin“ Bijeljina (dvije ekipe), Mješovita srednja škola Travnik, Koledž ujedinjenog svijeta (UWC) Mostar te Srednja tehnička škola Zavidovići.

Nakon vrlo uzbudljivog finalnog takmičenja, koje je sadržavalo teorijski dio kao i samo programiranje, najboljih pet timova su:

- 1. Gimnazija „Dr. Mustafa Kamarić“ Gračanica**
- 2. Elektrotehnička škola Tuzla**
- 3. Mješovita srednja škola Travnik**
- 4. Elektrotehnička škola Tuzla**
- 5. Gimnazija „Meša Selimović“ Tuzla.**



Tim Gimnazije „Dr. Mustafa Kamarić“ iz Gračanice osvojio je prvo mjesto na 10. ITC, drugo i četvrto mjesto pripalo je timovima Elektrotehničke škole Tuzla, na trećem mjestu takmičenje su završili učenici Mješovite srednje škole Travnik, a na petom Gimnazije „Meša Selimović“ Tuzla. Ovih pet ekipa dobilo je i novčane nagrade (2.000 KM, 1.000 KM, 500 KM te po 250 KM za četvrto i peto mjesto, a pobjednici i nagradu „Ajnur Dikedžić“ koja je ustanovljena ove godine. Nagrade najboljim uručila je Ivana Perković, direktorica ljudski resursa firme Sportradar Mostar.

Našu pobjedničku ekipu su činili Adnan Hajdić, Emir Avdić i Hasan Hasić. Iskrene čestitke našim učenicima, sa željom da nastave i dalje u karijeri tim pobjedničkim mentalitetom.



Evo utisaka nekih od učesnika:

Kenan Buljubašić, učenik Gimnazije „Dr. Mustafa Kamarić“ Gračanica: „Rado učestvujem na različitim takmičenjima pa sam došao i u Maglaj, na ITC.

Organizacija je vrhunska, kako mi to kažemo 10/10. Organizatori su na sve mislili, zaista sam uživao ova dva dana u vašem gradu“.

Malik Ahmetbegović, učenik MSŠ Maglaj: „Iskustva su odlična, takmičenje organizovano na vrhunskom nivou.

Obzirom da mi imamo samo dvije godine informatiku, plasman medju 27 najboljih ekipa za nas je veliki uspjeh. Posebno dobre rezultate smo imali u prvom i drugom krugu“.



„Imamo iskustvo, jer takmičimo se svake godine. Meni je ovo četvrti ITC. Prije pobjede, jednom smo bili peti.

Organizacija savršena, najbolja do sada. Lijepo što je takmičenje trajalo dva dana, a bilo je vremena i da se odmorimo.

Moram priznati da je danas bilo pomalo i stresno (smijeh). Ali, sretni se vraćamo u Gračanicu“, kazao nam je Adnan Hajdić, član pobjedničke ekipe.



Ponosan na svoje učenike bio je i prof. Jasmin Ahmetović. „Drago mi je da su konačno stavili pečet na svoj trud i znanje. Bilo je uzbudljivo jer nakon posljednjeg pitanja su sa drugog došli na prvo mjesto. Lijepa afirmacija i za njih ali i za školu. Vidimo se i naredne godine!“, dodao je prof. Ahmetović.





Održana priredba povodom 25.novembar - Dana državnosti Bosne i Hercegovine

U našoj gimnaziji povodom 25.novembra - Dana državnosti, za učenike i profesore je održana proredba u realizaciji članova dramske i recitatorske sekcije, te samostalnih izvedbih učenika.





FANTASTIČAN USPJEH NAŠE UČENICE LEJLE VRŠAJEVIĆ

Lejla Vršajević je učenica 2.razreda It gimnazije u Gračanici i članica Šahovskog kluba "Gračanica" iz Gračanice.

Naša učenica Lejla Vršajević ponovo je zablistala na šahovskoj sceni.

Dana 2. novembra, Lejla je osvojila drugo mjesto među kadetkinjama na međunarodnom šahovskom turniru u Makarskoj, ostvarivši izuzetan rezultat u snažnoj međunarodnoj konkurenciji.

Samo nekoliko sedmica kasnije, 23. novembra, Lejla je osvojila prvo mjesto u kategoriji do 17 godina na Kadetskom prvenstvu Gračanica, čime je još jednom potvrdila svoj veliki talent, trud i predanost ovom plemenitom sportu.

Čestitamo Lejli na fantastičnim uspjesima i želimo joj još mnogo pobjeda na budućim turnirima!



